

連江縣志

癸酉仲春  
劉涵寬署牋

忠義  
文苑  
方技

卷二十四  
卷二十七  
卷三十

循吏  
獨行

卷二十五  
卷二十八

儒林  
孝友

卷二十六  
卷二十九



連江縣志卷二十四

忠義

吾連忠義之士宋祗一人餘在明季但當時秉筆者因清鼎初定削而不書卽書而又文飾以避忌諱茲采各族譜乘及私家摭聞合是選而備錄之更正之庶二百餘年之忠魂義魄得以表彰云

宋

陳適字正仲紹興二年太學上舍釋褐授雷州海康縣尉時蠻獠陸梁適繕器練兵屢戰克捷乘勝深入遇伏圍困士馬殆盡賊欲縛之適厲聲曰男兒讀書必殉國死予歷世衣冠荷國厚恩恨不盡忠以報今得死所矣罵不絕口遂遇害事聞贈宣教郎官子琮移綴先憲通志入忠節

明

陳其惠毗毗人崇禎五年海寇劉香仔劫毗毗諸生趙良珪偕其惠等禦之其惠戰死移綴寇變

連江縣志

卷二十四

宋明忠義

余學政幕浦人兩浙青塲正大使陞浙江花園驛巡司致仕在家崇禎五

年海寇劉香仔陷堡被執不屈罵賊死采余氏譜

陳良璞杉塘人隆武朝改名奇策擢駕前御史清師入境不屈入海而亡采陳氏譜

林鳴鳳崇禮舖人少骯髒有氣略明季唐藩旣覆魯王以舟師往來海上常駐閩安琅岐間號召各屬鳴鳳攘臂應之魯王署爲都督俾成一軍轉戰經年常扼守降虎與金厦鄭氏通聲息未幾戰敗死之采林氏譜按鳴鳳生有紅蛇之異人呼紅蛇精

林四姐林昂女族叔鳴鳳依前明餘燼據連索餉富室多苦之大兵至鳳欲匿其家女時年十四美姿容善舉止嘆曰匿將安之禍由我家使合邑被其難天道神明獨完可乎遂鳳出城陷自投智井鳳死於亂軍移綴列女志壺行

吳質一名一瑤字玉端號寧野明諸生明亡破家倡義清帥定連質率所

林四姐與姑姊並存  
身林鳴鳳共姊姊見  
不似一則盡居心一則  
安天命各有此心非  
杜作改異也姑姊各  
著並存

部截其歸路遂復福州諸縣圍寧德破其城清兵復集被獲當事尚欲宥之質不為屈大罵而死市人為之流涕葬福州吉祥洋質無子妻林氏與女阿霖削髮為尼詳方外采吳氏譜

游端容庠生吳捷妻姑寡性刻游善事之得其歡順治丁亥明孽監國師駐連江夫姪吳質因之起事容憂曰天下大勢已定而猶洶湧禍未艾也大兵將至趣夫出避謂家人曰昔憂在國今憂在身矣先一日赴後亭池死移綴列女志壺行移綴二傳附

邱際可字世鎮號亨九崇雲舖人少穎異與弟鳳鳴皆能文章尚氣節嘗遊龍塘董應舉門董特器重之與孫輝並稱詳叢談順治元治國變復際可居郭外一庵不入城市時唐魯二王迭起閩中際可與邑同志贊畫以應

無何唐藩敗魯亦不振順治六年六月清師下縣有將弁入際可室窘辱之際可不屈遂遇害采吳氏譜吳維墀字以兼號思齋戶部郎承烈仲子宮保文華孫也弱冠補弟子員

連江縣志

卷二十四

明忠義

一一

入太學例授承德郎素慷慨負奇氣順治五年海寇鄭彩陷縣墀殉焉先是方告警墀即有禦賊自奮意其妻鄭氏恐相失扭衣襟累日夜守之寇入卒倉皇失去不知所之六月初六日賊平家人徧踪跡之越七日得所躡雙朱履於通濟橋齒即以履復之以歸移綴鄉行按嘉慶志維墀傳墀殉焉黃孝廉廣居閩屬撫聞云明季諸書載連自順治四年九月明魯王復縣治至五年六月止並無五年再陷於海寇事是四五兩年連之城邑為魯王有維墀之殉之清師下縣時也且采訪員吳景澄以吳祠栗主書明諸生殉難義士思齋公並述譜例忠孝節義及貢舉官階皆可列明代而殉明也

游文熊字熊非諸生性骯髒唐王敗遁跡海外其兄促之歸文熊曰吾血性丈夫向奉教於君子令隨跼蹐若轅下駒亦何面目立宮牆廊廡下幸告吾兄人各有志母相強也其友某起事文熊力肩其任凡練兵措餉外交藩鎮內接賓客事無巨細皆為經畫既而轉徙飄泊卒於閩縣琅崎里

嘉慶志無傳采通志忠節補之按游氏譜載其原名子騷字良斯曾謁潮陽王芋擢為令芋卒遂歸舟覆溺水卒不言其殉國事惟訓導謝亭衛為游譜補像像稱明烈士良斯公及其贊詞語意近之豈當時志與譜皆諱不書其得紀於通志者或以卒於閩轄之琅崎里轉藉他邑知交之唇

傳以

附錄孝廉黃廣居閩屬撫聞死難事實年月不完備者

游上國原名乾字用九南州曾孫郡廩生生平議論皆中機宜崇禎壬午知縣翁兆雲誣以接濟海寇幸提學副使郭之奇白其冤鼎革後謝諸生遯跡山中卒以難死

游秉字德欽上國弟生有異稟少承家學為人挺直慷慨里閭有盤錯事皆以身任之時亦被害按此二節當是為殉故國而死當時載筆者諱之也

吳肇元字子貞順治五年六月初七日盡節以終

諸生陳元陞罵賊而死本西園陳氏祠題名匾